

Na osnovu člana 13. stav (2) Zakona o javno-privatnom partnerstvu (Službene novine Zeničko-dobojskog kantona", broj: 6/16) i člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", 7/10), na prijedlog Ministarstva zdravstva, Vlada Zeničko-dobojskog kantona, na 166. sjednici održanoj 19.10.2018. godine, d o n o s i

ODLUKU

o imenovanju Radnog tijela za pripremu projekta javno-privatnog partnerstva "Pružanje usluga gamma nožem u JU Kantonalna bolnica Zenica "

Član 1.

(Predmet)

Imenuje se Radno tijelo za pripremu projekta javno-privatnog partnerstva „Pružanje usluga gamma nožem u JU Kantonalna bolnica Zenica“.

Član 2.

(Članovi Radnog tijela)

U Radno tijelo imenuju se:

1. doc.dr.med.sci. prim. Rasim Skomorac
2. dr. Kasim Spahić
3. Aida Pojskić, dipl. pravica
4. Muamer Avdić, dipl. oec.
5. mr.biomed.sci. Aldin Jusić
6. mr. fizike Armin Duraković
7. Osman Buza, dipl. ing. mašinstva.

Radnim tijelom će koordinirati doc.dr.med.sci.prim Rasim Skomorac, direktor JU Kantonalna bolnica Zenica.

Član 3.

(Nadležnost Radnog tijela)

Radno tijelo iz člana 2. ove Odluke ima obavezu da:

- donese poslovnik o radu radnog tijela,
- izradi dinamički plan za pripremu prijedloga projekta javno- privatnog partnerstva,
- izvrši dopunu i izradu finalnog kratkog opisa projekta javno- privatnog partnerstva,
- izradi tendersku dokumentaciju za idejno rješenje,odnosno idejni projekat,
- izradi tendersku dokumentaciju za izradu studije opravdanosti,
- izradi tendersku dokumentaciju za odabir privatnog partnera,
- pripremi nacrt ugovora o javno-privatnom partnerstvu.

Član 4.

(Izbor kvalifikovanog konsultanta)

Za realizaciju obaveza utvrđenih u članu 3. ove Odluke, JU Kantonalna bolnica Zenica (javni partner) može koristiti usluge kvalifikovanog konsultanta za podršku cjelokupnog procesa javno- privatnog partnerstva (procesni JPP konultant) i/ili konsultanta pravne, ekonomske ili tehničke struke za bilo koju fazu projekta javno- privatnog partnerstva.

Izbor kvalifikovanog konsultanta (fizičko ili pravno lice) vrši se u skladu sa Zakonom o javnim nabavkama („Službeni glasnik Bosne i Hercegovine“ broj: 39/14).

Član 5.
(Rok za realizaciju)

Krajnji rok za realizaciju obaveza utvrđenih u članu 3. ove Odluke je šest mjeseci od dana donošenja ove Odluke.

Član 6.
(Naknada članovima Radnog tijela)

Radnom tijelu pripada naknada o čemu posebnu odluku donosi JU Kantonalna bolnica Zenica (javni partner), u skladu sa važećim propisima i raspoloživim sredstvima.

Član 7.
(Projektni zadatak)

Sastavni dio ove Odluke je Projektni zadatak kojim se definišu obaveze i zadaci Radnog tijela.

Član 8.
(Stupanje na snagu i objava)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-37-15826/18.

Datum, 19.10.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x JU Kantonalna bolnica Zenica, putem ministarstva,

1x Ministarstvo za privredu,

1x „Službene novine Zeničko-dobojskog kantona“,

1x a/a.

**Projekat javno-privatnog partnerstva
„Pružanje usluga gamma nožem“**

PROJEKTNI ZADATAK

I–Minimalne obaveze i zadaci Radnog tijela

1) Radno tijelo je nadležno za slijedeće aktivnosti:

- a) izrada dinamičkog plana za pripremu prijedloga javno- privatnog partnerstva
- b) dopuna i izrada finalnog kratkog opisa projekta javno- privatnog partnerstva
- c) izrada tenderske dokumentacije za idejno rješenje, odnosno idejni projekat
- d) izrada tenderske dokumentacije za izradu studije opravdanosti
- e) izrada tenderske dokumentacije za odabir privatnog partnera
- f) priprema nacrtu ugovora o javno- privatnom partnerstvu.

2) Članovi Radnog tijela imaju pravo i obavezu da:

- a) redovno prisustvuju svakoj sjednici Radnog tijela, a eventualni izostanak blagovremeno najave i opravdaju,
- b) aktivno učestvuju u radu Radnog tijela, slobodno iznose vlastito mišljenje, daju prijedloge i sugestije i glasaju pri donošenju odluka,
- c) izvršavaju i druge dužnosti utvrđene od strane Radnog tijela.

3) Radno tijelo punovažno radi ako je prisutno dvije trećine članova Radnog tijela.

II – Donošenje Poslovnika o radu Radnog tijela

Poslovnik o radu bit će izrađen u skladu sa Projektnim zadatkom i odlukom Vlade Zeničko-dobojskog kantona.

Vremenski period: do kraja oktobra 2018.godine

III - Izrada dinamičkog plana rada

Dinamički plan rada će se izraditi u skladu sa članom 14. Zakona o javno- privatnom partnerstvu Zeničko-dobojskog kantona.

Vremenski period: do kraja oktobra 2018.godine

IV–Dopuna i izrada finalnog kratkog opisa projekta

Finalni kratki opis projekta će se izraditi u skladu sa članom 15. Zakona o javno- privatnom partnerstvu Zeničko- dobojskog kantona.

Vremenski period: do sredine novembra 2018.godine

V-Izrada tenderske dokumentacije za idejno rješenje i /ili idejni projekat

Tenderska dokumentacija za idejno rješenje i /ili idejni projekat će se izraditi u skladu sa članom 16. Zakona o javno- privatnom partnerstvu Zeničko- dobojskog kantona .

Vremenski period : do kraja novembra 2018.godine

VI – Izrada tenderske dokumentacije za odabir privatnog partnera

Tendersku dokumentaciju za odabir privatnog partnera će izraditi Javni partner u skladu sa članom 19. Zakona javno- privatnom partnerstvu Zeničko- dobojskog kantona.

Vremenski period: do kraja februara 2019.godine

VII – Priprema nacrtu ugovora o javno- privatnom partnerstvu

Nacrt ugovora će izraditi Javni partner, u skladu sa članom 21. Zakona javno- privatnom partnerstvu Zeničko-dobojskog kantona.

Vremenski period: do kraja aprila 2019.godine

